



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

15. De eo, qui mittitur in possessionem causâ rei servandæ

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

pro vel contra eum ferenda sententia. *L. 73. de jud.* Si non liqueat, actor mittendus est in rem possessionem rei litigiosæ, vel, si est actio personalis, aliorum bonorum. Vide *L. 8. in f. C. quom. & quando.*

Q. 8. Quanam alia sint pœna Rei contumacia?
Resp. 1. Potest ob inobedientiam pœnâ arbitrariâ puniri. *L. 2. §. 1. ff. si quis in jus voc. non ierit.*
2. Patitur immissionem in bona, ut dictum.
 Non auditur, nisi resectis expensis. *c. 6. h. t.*
 Potest capi, incarcerari. *L. 8. C. quom. & quando.*
 item excommunicari *c. 3. ut. lit. non cont.*
 Subinde proceditur ad capienda pignora. *L. 1. §. 3. ff. de inspic. ventre.* vel ad sequestrationem *c. 2. h. t. 6. Fictè contumax potest quidem appellare vel in integrum restitui. c. 18. de sent. & re jud.* Contumax verè talis secundùm omnes de jure non permittitur appellare. *L. 1. C. quor. appell. non recip.* Secundùm alios etiam non restituitur.
 Habetur pro præsentè in suum præjudicium. *Aud. qua in provincia. §. eo. autem. C. ubi de crim. agi oport.*
8. Habetur pro confesso. *L. 11. §. 4. ff. de inter. in jure faciend.*

TITULUS XV.

De eo, qui mittitur in possessionem causâ rei servandæ.

Q. 1. Quid sit immissio in possessionem ex primo & secundo decreto? Resp. ad 1. Immissio in possel-

possessionem *ex primo decreto* est & fit, dum reo legitime citato contumaciter absente, Judex ad petitionem actoris, primo decernit & jubet eum mitti in possessionem rei petitaë vel aliorum bonorum Rei, custodiaë causâ, *c. 3. h. t. c. 5. §. in aliis. Ut lite non contest.*

Resp. ad 2. Missio in possessionem *ex secundo decreto* est jussio judicis, quâ actor ob perseverantem Rei contumaciam constituitur verus possessor rei petitaë vel bonorum contumacis, possessione huic adempta, *c. 1. h. t. & c. 4. de dol. & contum.* Utraque hæc immissio justa est; fit à judice per sententiam interlocutoriam. *c. 1. cit.* pertinet ad imperium mixtum. *L. 4. ff. de jurisd.*

Q. 2. Quomodo procedatur ad immissionem in bona rei contumacis ex primo decreto? Resp. 1. Reo ante litem contestatam contumaciter absente, contumaciâ accusatâ ab Actore, factâ peremptoriâ ad actum immissionis citatione, prævia summaria cognitione, & præstito ab actore juramento calumniæ, mittitur actor in possessionem rei petitaë, sive rei ejus, super quâ fuit mota lis, *si actio fuerit realis. c. 3. & c. fin. §. in aliis. ut lite non contest.*

Resp. 2. Si actione personali conveniatur reus, & contumax sit, sive sit contumax ante, sive post litem contestatam, potest judex vel Actorem mittere in possessionem bonorum Rei *pro modo debiti*, vel infligere ei censuram Ecclesiasticam. *c. fin. cit.*

Q. 3.

Q. 3. Quomodo conveniat & quomodo differat immissio in bona in actione reali & personali?

Resp. 1. Convenit immissio ex primo decreto, five fiat in actione reali, five personali, in hoc, quod, si reus intra annum comparuerit, recuperet res suas, & possessionem illarum, modo caveat de sistendo in iudicio & expensas refundat Actori, *c. fin. §. in aliis cit. c. 1. & seq. h. t. 2.* Quod immissio ex primo decreto non habeat rationem possessionis, sed nudæ tantum detentionis, *c. cit. L. 3. §. fin. ff. de acq. vel amitt. poss.*

Resp. 2. Differt immissio, quæ fit in actione personali, ab ea, quæ decernitur in reali, 1. quod in illa observandus sit certus ordo, non in hac; quia actio realis jam supponit jus certum. 2. Quod in actione personali fiat immissio pro modo debiti, in reali in ipsam rem petitam. 3. Quod in actione personali vel immissio concedatur, vel censura Ecclesiastica ferri possit, in reali autem primò debeat fieri immissio & quidem post litem contestatam non ex primo sed secundo decreto, *si non liquet satis de jure Actoris vel Rei. L. 1. C. quom. & quand.* si autem satis liquet, ad sententiam definitivam proceditur. 4. Quod in actione personali actor post annum Rei contumaciam non acquirat veram possessionem *absque secundo decreto*, quam tamen actionem realem intentans acquirat, saltem de jure. *c. 1. & 2. h. t. & c. fin. §. in aliis, ut lite non contest.*

Q. 4.

Q. 4. *Quinam sint effectus primi & secundi decreti?* Resp. 1. Primi decreti potissimus effectus est, si agatur actione personali, quòd vi illius competit auctori detentio, custodia, defensio bonorum, L. 9. §. 1. L. 12. ff. quib. ex caus. in poss. eatur. dicitur illud pignus *judiciale*, sive *Pratorium*. Deinde si turbetur, non quidem *interdictum unde vi*, quia non vere possidet, sed *ne vis fiat*, intentare potest, L. 1. pr. & tot. tit. ff. ne vis fiat ei, qui in poss. 3. Si debitor lateat, nec satisfaciatur, potest creditor petere à iudice facultatem bona vendendi. 4. Si debitor fundum, in quem auctor est missus, colere negligat, ipse colet, fructus colliget, servabit servando servabiles &c. L. 7. princ. ff. quib. ex caus. L. 8. §. 1. L. 9. §. 2. 3. 4. ff. & C. tot. tit. auth. jud. poss. Duo Primi effectus competunt etiam missio in possessionem ex primo decreto *si actio sit realis*. præterquam quòd non concedatur *pignus Pratorium*; reliqui verò vel non competunt, vel non principaliter.

Resp. 2. *Effectus secundi decreti* sunt 1. Quòd acquiratur vera possessio. c. 1. h. t. 2. Quòd fruatur remediis possessoriis, in specie *interdicto, unde vi*. 3. Quòd conventus super illa re à reo reverso in illum transferat onus probandi, utpote ex petitore vel auctore jam factus reus. 4. Quòd, si ita missus habeat bonam fidem, rem sic possessam præscribat. Wiestn. h. t. n. 14. Ubi & illud nota, si auctor ex primo vel secundo decreto in rei petita vel aliorum adversarii bonorum pos-

possessionem fuerit missus, & tamen ob hujus potentiam realiter apprehendere, detinere & possidere non possit, eo casu illum fictione utriusque juris perinde haberi, ac si rem post primum decretum realiter detineret, vel per secundum, ubi opus est, verè possideret. *c. 9. de dol. & contum. l. 13. junct. Gloss. §. perinde. ff. de rebus aut. jud. possid.*

*Q. 5. In quibus actionibus locum habeat vel non habeat missio in bona? Resp. 1. In omnibus actionibus realibus & personalibus, in bonis mobilibus & immobilibus, in spiritualibus etiam & feudalibus procedit immissio in bona; quia ne præjudicatur domino directo, & obtinetur tamen finis immisionis. 2. Fallit tamen in iis causis, in quibus natura actionis immisionem excludit, v. g. in causis civilibus, in quibus actor nihil petit, sed vult tantum se liberare aut excusare. Deinde in causa matrimoniali, ne detur occasio illicitæ copulæ cum non sua; hinc reus contumax per censuras ad comparandum compelli debet. *c. 3. ut lit. non cont. & c. fin. §. porro. eod.* Item in causa beneficiæ ob vitiosum ingressum, saltem si instituatur petitorium; nam in possessorio recuperanda valet. *c. redintegranda. 3. caus. 3. q. 1.**

TITULUS XVI.

Ut Lite pendente nihil innovetur.

Q. 1. Quid per rubricam hujus Tituli intelligatur? Resp. Cum priori titulo actum fuerit